



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XI. Februarii.

[urn:nbn:de:hbz:466:1-50961](#)

S. Austreberta è Comitum in Gallia sanguine ad nuptias vocata fugit , néve fugitivam, qui insequebantur, retraherent, invocatâ Dei Matris ope flumen sicco pede trajecit, in cuius beneficij memoriam perpetuam Deo in Matris ejus honorem Virginitatem vovit. *Mayr.* Sic fugisse, viciisse est.

O S. Virgo dirige pedes meos, ut per mundi hujus pelagus, tot naufragiis infame, tot monstros refertum illæsâ conscientiâ transeam , & ad æternæ felicitatis portum ejus patrocinio, quæ stella maris est, feliciter perveniam. O Sanctissima DEI, & mea , Mater pretiosissima ! ego N. indignissimus filius tuus ex toto corde, omnibusque tam corporis, quam animæ viribus centies millies, imò infinities te saluto : te omni possibili omnium possibilium & actuallum creaturarum affectu amare, &c. *fol. 2.*

Ad quod impetrandum : Quoties hodie sanctum Mariæ Nomen audiero , toties illud capite detecto reverebor.

Nec facultas Mariæ deest, nec voluntas; nisi forte aut creditur Dei filius non honorare Matrem; aut dubitare quis possit , omnino in affectum charitatis transiisse Mariæ viscera, in quibus ipsa, quæ ex Deo est , charitas novem mensibus requievit. *S. Ber. serm. i. de Ass.*

Quæstio : An Deipara Maternitatem DEI sit merita? *v. Smar. 3. P. l. I. d. 10.*